




106

Broj: 05.3.34-8880-1/24
Sarajevo, 16.12.2024.

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



Bosna i Hercegovina
Federacija Bosne i Hercegovine
Kanton Sarajevo
Ministarstvo zdravstva Kantona Sarajevo

PREDMET: Odgovor na zastupničku inicijativu uvažene zastupnice Marijele Hašimbegović (veza dopis broj 01-04-51929-26/24 od 26.11.2024.), dostavlja se -

Poštovani,

J.U. Zavod za javno zdravstvo Kantona Sarajevo zaprimio je 06.12.2024. zastupničku inicijativu (br. 05.3.34-8880/24), od strane uvažene zastupnice Marijele Hašimbegović (br. 01-04-51929-26/24 od 26.11.2024.), a u vezi sa postavljanjem reklamnih panoa sa informacijom o stanju kvaliteta zraka u Kantonu Sarajevo, te odgovor na istu dostavljamo u Prilogu akta.

S poštovanjem,

Dokument izradio/la:

dr Agnesa Porović-Hodžić, spec.
mr.sci. Sanela Salihagić dipl.ing. hem.
Emir Halilović, dipl.san.ing.



Dostaviti:

- Naslovu;
- Arhiva kabineta Direktora i RJ iz koje dokument dolazi



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: info@zzjzks.ba





**RADNA JEDINICA
ZA ZAŠTITU I UNAPRIJEĐENJE ŽIVOTNE SREDINE**

PREDMET: Odgovor na zastupničku inicijativu uvažene zastupnice Marijele Hašimbegović

Zastupnička inicijativa uvažene zastupnice Marijele Hašimbegović sa 17. radne sjednice:
"Upućujem inicijativu radi postavljanja reklamnih panoa sa informacijama o kvaliteti zraka u svim opštinama Kantona Sarajevo, osim Trnova sa ciljem približavanja informacije o stanju kvaliteta zraka građanima. Radi pogubnog uticaja na zdravlje naših građana čak i nakon kratkotrajnog izlaganja zagađenom zraku važno je imati ovakve informacije dostupnim i vidljivim. Indeks kvaliteta zraka mora biti dostupan građanima na glavnim ulicama, ispred domova zdravlja i osnovnih škola. Za sprovedbu ove inicijative zadužuje se Zavod za javno zdravstvo KS što uključuje postavljanje i redovno održavanje panoa."

Odgovor: J.U. Zavod za javno zdravstvo Kantona Sarajevo, u okviru svoje djelatnosti, vrši monitoring kvaliteta zraka za potrebe Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo pomoću automatskih mjernih stanica, trenutno u šest općina Kantona Sarajevo. Zavod svakodnevno u toku sezone grijanja objavljuje na web stranici podatke o stanju kvaliteta zraka sa zdravstvenim preporukama (<https://zzjzks.ba/preporuke-za-stanovnistvo-zrak/>), a u periodima povećanih koncentracija zagađujućih materija obavijest za građane sa zdravstvenim preporukama je dostupna na naslovnoj stranici (<https://zzjzks.ba/aktuelnosti/>) i facebook stranici Zavoda.

Zavod u potpunosti podržava svaki vid unaprijeđenja načina informisanja građana o stanju kvaliteta zraka u Kantonu Sarajevo, ali Zavod ne posjeduje resurse, niti finansijske niti stručne, za samostalno postavljanje, vođenje i održavanje reklamnih panela. U prilog činjenici da je Zavod i ranije mislio na unaprijeđenje protoka informacija o kvalitetu zraka do građana govori podatak da godinama unazad, u okviru godišnjeg izvještaja o monitoringu kvaliteta zraka, Zavod predlaže način informisanja građana koji je predložila i uvažena zastupnica, a to je uvezivanje podataka o kvalitetu zraka na led ekrane, ali uz naglasak na neophodnost zajedničke saradnje na realizaciji ovakvih aktivnosti sa jedinicama lokalne samouprave, svi u okviru svojih nadležnosti i djelatnosti.

Postavljanje velikih informativnih panela (reklamnih panoa) na odabranoj lokaciji zahtijeva ispunjenje niza tehničkih i organizacijskih uslova kako bi sistem i u budućnosti funkcionisao efikasno. Nakon odabira lokacije koja je prometna i vidljiva, poput glavnih ulica, prostora ispred zdravstvenih ustanova ili škola, moraju se pribaviti sve neophodne dozvole, uključujući urbanističke i građevinske, a lokacija treba zadovoljiti pored tehničkih uslova (prostor, visina, vidljivost) i bitan segment – sigurnosti, kako samog panela (od krađe i vandalizma), tako i



Adresa: dr. Mustafe Pintola br.1, 71210 Ilidža
Tel/fax: 622-227; 624-470
web: <http://www.zzjzks.ba>
e-mail: info@zzjzks.ba



korisnika (stabilnost i otpornost konstrukcije panela, sigurnost za učesnike u saobraćaju, svjetlosno zagađenje).

Panel mora imati stabilan i siguran priključak na elektroenergetsku mrežu kako bi se osiguralo neprekidno napajanje električnom energijom, za koju je potrebno dogovoriti buduće plaćanje iznosa potrošnje, što je također potrebno i u slučaju neophodne stalne internet konekcije za kontinuirano ažuriranje podataka u realnom vremenu.

Tehnički zahtjevi za opremu podrazumijevaju odabir panela odgovarajuće veličine i rezolucije u sklopu kojih dolazi i niz dodatne opreme kako bi se omogućila funkcionalnost panela. S aspekta softvera (programa) koji bi se koristio, potrebno je razviti ili implementirati rješenje koje omogućava upravljanje sadržajem. Ovo uključuje integraciju sa sistemima za praćenje kvaliteta zraka kako bi se podaci mogli automatski i pravovremeno prikazivati. Softver i cjelokupni sistem moraju biti testirani kako bi se osigurala tačnost i sigurnost prenesenih podataka.

Osiguranje dugoročnog funkcionisanja panela zahtijeva plan za redovno tehničko održavanje, uključujući veoma često zanemareno, a kasnije prijeko potrebno – redovno servisiranje, popravke i zamjenu dijelova, koji iziskuju značajna materijalna sredstva. Odgovornost za osiguranje i ažuriranje ispravno prikazanih podataka od strane operativnog osoblja je izuzetno velika.

Naša Ustanova, sa tehničkog aspekta, može pružiti podršku/rješenje kroz mogući razvoj određene centralizirane web stranice, koja bi bila prilagođena za integraciju sa sistemima svih općina, ali i drugih subjekata čiji paneli mogu poslužiti ovoj svrsi. Web stranica bi sadržavala "podkategorije" (zasebne pristupne linkove) za svaku općinu Kantona Sarajevo, omogućavajući pristup podacima o indeksu zagađenja zraka za područja na kojima se nalaze trenutno automatske mjerne stanice. Zavod bi osigurao centralizovanu bazu podataka, ažuriranu u realnom vremenu sa postojećim sistemom monitoringa kvaliteta zraka.

Općine bi na ovaj način, putem interneta, mogle koristiti ovu web stranicu za prikaz indeksa kvaliteta zraka, a njihovo prikazivanje bi bilo omogućeno na već postojećim i novim informativnim displejima. Na ovaj način, općinske strukture bi preuzele odgovornost za direktno informisanje građana o kvalitetu zraka u svom području.

Ovakav pristup smanjuje početne troškove i tehničke zahtjeve Vaše inicijative, a omogućava općinama da preuzmu aktivniju ulogu u informisanju građana, na način na koji one to žele da prezentuju. Također, ovakav model bi osigurao uniformnost podataka, jer bi sve informacije dolazile iz jednog centralizovanog izvora, što bi smanjilo rizik od nepreciznih ili nedosljednih prikaza.

Za kraj, još jednom napominjemo da će Zavod podržati svaki vid unaprijeđenja upravljanjem kvalitetom zraka u Kantonu Sarajevo u okviru svoje djelatnosti a u saradnji sa nadležnim institucijama.



10
6045
PB 26

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-51929-26/24
Sarajevo, 26.11.2024. godine

[Handwritten signature]
6.12.24

MINISTARSTVO ZDRAVSTVA KANTONA SARAJEVO

-ZAVOD ZA JAVNO ZDRAVSTVO KANTONA SARAJEVO

PREDMET: Zastupnička inicijativa, dostavlja se –

Zastupnica **Marijela Hašimbegović** u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na 17. radnoj sjednici Skupštine Kantona Sarajevo, održanoj dana 26.11.2024. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamdžić
Kontrolisala: Aida Zeković



PREDSJEDAVAJUĆI
SKUPŠTINE KANTONA SARAJEVO

[Handwritten signature]
Elvedin Okerić



CO:
- sekretar SKS
- sekretar Vlade





Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-51929-26/24
Sarajevo, 26.11.2024. godine

J.U. ZAVOD ZA JAVNO ZDRAVSTVO
KANTONA SARAJEVO.

Broj: 05.3.34-8880/24 god
Datum, 06-12-2024 / god

-MINISTARSTVO ZDRAVSTVA KANTONA SARAJEVO

ZAVOD ZA JAVNO ZDRAVSTVO KANTONA SARAJEVO

PREDMET: Zastupnička inicijativa, dostavlja se –

Zastupnica Marijela Hašimbegović u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na 17. radnoj sjednici Skupštine Kantona Sarajevo, održanoj dana 26.11.2024. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamčić
Kontrolisala: Aida Zeković



PREDSDJEDAVAJUĆI
SKUPŠTINE KANTONA SARAJEVO

Kerić

CO:

- sekretar SKS
- sekretar Vlade



**DEMOKRATSKA
FRONTA**

**MINISTARSTVO ZDRAVSTVA
ZAVOD ZA JAVNO ZDRAVSTVO KS**

PREDMET: ZASTUPNIČKA INICIJATIVA 17.RADNA SJEDNICA

Upućujem inicijativu radi postavljanja reklamnih panoa sa informacijama o kvaliteti zraka u svim opštinama Kantona Sarajevo, osim Trnova sa ciljem približavanja informacije o stanju kvaliteta zraka građanima. Radi pogubnog utjecaja na zdravlje naših građana čak i nakon kratkotrajnog izlaganja zagađenom zraku važno je imati ovakve informacije dostupnim i vidljivim. Indeks kvaliteta zraka mora biti dostupan građanima na glavnim ulicama, ispred domova zdravlja i osnovnih škola. Za sprovedbu ove inicijative zadužuje se Zavod za javno zdravstvo KS što uključuje postavljanje i redovno održavanje panoa.

Obrazloženje:

Naiveću prijetnju po zdravlje stanovnika zagađenih gradova u BiH predstavljaju povišene koncentracije lebdećih čestica. Veća indeksna vrijednost znači zagađeniji zrak i ozbiljnije eventualne posljedice po zdravlje koje građani mogu osjetiti nekoliko sati ili nekoliko dana nakon izlaganja zagađenom zraku. Smatram da aktuelni način informiranja građana o stanju kvaliteta zraka nije dovoljan i isti je neophodno unaprijediti. Briga za zdravlje naših građana mora biti prioritetom politika Kantona Sarajevo.

26.11.2024 godine
Marijela Hašimbegović dia
Zastupnica